

# ዲዩዌኤል ዓይያ ካር

ጾአሲ ማሊያ ከኤዜ ዲዩዌኤል ዋማ ዋዶይዳ ናንጌቴያ፤ ሃሣ ዒዚ ናንጌ ጎይያ ከኤዛ ሃይሴ ሜርጌ ዔርታይ ባአሴ፤ ያዲ ማዌቴያ ማጻኣፓ ጻኣፒንቲ ዓኣያ ማዒ ጴዳሣ ኪሪሰቶሴ ሾይንታዳሣኒ ቤርታ ዶንጋሳ ጻኤቶ ሌዎኮ ሃንጎ ያይዳሳ ጻኤቶ ሌዎኮ ጋራኣኬ ጌይንታኔ፤ ዬይ ዋዳ ፓሪሴ ካኣቲ ካኣታዲ ዋይሣ ዋዶናኬ። ዲዩዌኤል ዲሰራዌኤል ዓጮ ዓቢሣ ሙካንዳሣና ኪሊንኮ ሉማ ኬሰካንዳ ዋዶዋ ፔጋሲ ከኤዜኔ፤ ናንጊና ናንጋ ጎዳ ከላ ሙካኒ ዑኬያ ማዒያ ዬይ ባካ ዔርዛያታሣ ዒዚ ከኤዛኔ፤ ናንጊና ናንጋ ጎዳኮ ከላ ሙካኣና ዒዛኮ ዱማዴ ማሊያ ዒዳ ማካዘንሣዳ ቢያ ሜቶ ናንጊና ናንጋ ጎዳ ዓጋንዳሣ ቃሲ ዒ ከኤዛኔ። ጾአሲ ማሊያ ከኤዛሣ ዳራ ፔኤኮ ጎሞ ቡኡጻንዳጉዲ ጾአሲ ዔኤላያ ማዒያ ፔጋሲ ከኤዛ፤ ዳራ ጎሞ ፔኤኮ ቡኡጻቴ ዔያታ ዋንዳ ናንጋ ጎይያ ባንሣ ማሣ ዓንጃንዳሣ ዒዚ ዔያቶም ከኤዛኔ። ዒዚ ከኤዜ ጾአሲ ማሊያይዳ ባሼ ዓኣፒ ማዒ ጴዳ፣ ሃጊ ማዒያ ዋዘ ቃኣላ፡- ጾአሲ ዓቲንቆንታ ላኣሎንታ ዴጋሣንታ ጋርቾዋ ዓይሱዋ ዳር ቢያ ዑፃ ፔኤኮ ዓያኖ ከይሳንዳሣ ፔጋሲ ከኤዛሣኔ።

## ማጻኣፔላ ዱማ ዱማ ዓርቄ ባኮ

- ጎያ ባይዛኒ ሙኬ ዓቢያ (1:1—2:17)
- ናንጊና ናንጋ ጎዳ ከሎ (2:18-32)
- ናንጊና ናንጋ ጎዳ ሜሌ ዳርይዳ ሜቶ ዓጋንዳሣ (3:1-21)

- ዓቢያ ዲሰራዌኤል ዓጮ ሙይ ባይዜሣ
- 1 ባኣቱዌኤል ናኣዚ ዲዩዌኤልም ናንጊና ናንጋ ጎዳፓ ዳኪንቴ ኪኣቶ ቃኣላ ያዲኬ፡-
- 2 ዒንሣ ጋርቾ ዓሳ ዋይዙዋቴ!  
ዪሁዳ ዓጮ ናንጋ ዓሳ ቢያ ዒናፓ ዋይዙዋቴ!  
ዒንሣ ናንጌ ዋዶይዳ ሃያ ጉዳ ባኣዚ፤  
ጊንሣ ሃሣ ዒንሣኒ ቤርታኣ ዓዶንሣ ዋዶናኣ ዓሲ ዛጊ ቤቂያ?
- 3 ዬያ ባኮ ዒንሣኒ ናኣቶም ከኤዙዋቴ፤  
ዒንሣኒ ናኣታ ጊንሣ ፔ ናኣቶም ከኤዙንጎ፤  
ዬያታኣ ዔያቶ ሄሊ ሙካ ሾይንቶም ከኤዙንጎ።
- 4 ሜልካሣዲፓ ዓቲ ሃኣኮ ባቃሎ

- ሻዳ ዓቢፃ ሙዔኔ፤  
 ዩካፓ ዓቲሢ ሃሃ ዠኢፓ ዒርዠጉዲ ዲኢና  
 ዓቢፃ ሙይ ባይዜኔ፤  
 ዓቲሢያኣ ማካሢ ሙዔኔ።
- 5 ሃይካፓ ሴካ ዒንሢ ሙርጎ ዎይኖ ዑዠ ዳንጋ ካንሢንዲዎአሢሮ  
 ዒንሢ ማሢንታ ዓሳ ጊንዓሰካፓ ጴጪ ዩኤኩዎቲ፤  
 ዒንሢ ቢያ ዎይ ዎይኖ ዑዠ ዑሸካ ዓሳ!  
 ዒናፓ ቃዪ ዩኤኩዎቲ።
- 6 ዎልቁና ዓኣ ዑሣ ዓኣጴ ዲቤ ማሌ ዴሬ  
 ታ ዓጮ ዖሊ ባይዛኒ ሙኩኔ፤  
 ዩያ ዖሎ ዓሶኮ ዓጫ ዘቢ ዓቺጉዲኬ፤  
 ባንጋላ ጊንሃ ሃሃ ዒንዴ ዘቢሮጉዲኬ።
- 7 ታኣኮ ቱኮና ዎይኖ ቢያ ሙይ ባይዜኔ፤  
 ቤሌሴ ሚዎዎ ቆፃ ሙዔኔ፤  
 ዩያ ሚዎኮ ዛንዘዎ ቦኦሪሽ  
 ቁኡሮ ቢያ ፒኢቲ ሙዔኔ።
- 8 ዒዞ ጎቺ ዴዓያታዖ ሃይቁ ዳጌሮ  
 ሲዩ ፓቲሌ ማይንቲ ዩኤካ  
 ዉዲሮ ናይጉዲ ዒንሢያ ዩኤኩዎቲ።
- 9 ናንጊና ናንጋ ጎዳ ማኣሮይዳ ዒንጎ ባኣዚ ማሂ ሸኢሸ  
 ሃኣኮንታ ዎይኖ ዑዠንታ ባይቁሢሮ  
 ናንጊና ናንጋ ጎዳም ማዳያ ማዔ ቁኤሳ ዩኤካኔ።
- 10 ጎዠ ጎሽኪንቲ ጎይሣ ጉሪ ዓቲኔ፤  
 ሃኣኮ ዒኢካ ባኣያ ማዔኔ፤  
 ቱኮና ዎይኖኣ ሃይቁኔ፤  
 ዛይታኣ ባይቁኔ፤  
 ዩያሮ ሳዓ ዩኤካኔ።
- 11 ዛርጋሢንታ ዔልዖንታ፤ ማሌ ካፃ ሃኣካኣ ቢያ ባይቁሢሮ  
 ዒንሢ ጎዠ ጎሽካ ዓሳ ዖዩዎቲ፤  
 ዒንሢ ዎይኖ ቱካ ዓሳኣ ዩኤኩዎቲ።
- 12 ቱኮና ዎይኖንታ ቤሌሶ ሚዎንታ ሹሌኔ፤  
 ሮኦማኣኔ፣ ቲሚሬ ጌይንታ ሚፃ፣ ሙቃሎንታ ማሌ ዓኣፖ ዓኣፓ  
 ሚፃ ቢያ ሚሌኔ፤  
 ዩያሮ ጎኔና ዓሲ ዎዛዳ ዎዛ ባይቁኔ።
- 13 ዒንሢ ፆኣዛሢም ዒንሢ ዒንጋ ሃኣኮንታ ዎይኖ ዑዠ ዒንጊዎንታ  
 ባኣሢሮ  
 ዒንሢ ታ ፆኣዛሢም ማዳ ቁኤሳ!

- ሃኒ ዩዲ፥ ሲዬ ፓቲሌ ማይንቲ ዋንቶ ጉቤ ዩኤኩዋቲ፤  
 ዲንሢ ዲንጎ ባኮ ዲንጎ ቤዘይዳ ማዳ ዓሳ ቃዪ ዩኤኩዋቲ።
- 14 ሙኡዚ ሃሾ ዲማ ኬሊ ማንሡዋቲ!  
 ጾኦም ዲማዴ ቡኪንቲ ዴሮ ቡኩሱዋቲ!  
 ጋርቾንታ ዓጮይዳ ናንጋ ዓሶዋ ቢያ  
 ናንጊና ናንጋ ጎዳ ማዔ ኑ ጾኦዛሢ ማኦሪ ቡኩሱዋቲ፤  
 ዲኢካ ጾኦ ሲንሢም ዋይዛንዳጉዲ ዩኤኩዋቲ።
- 15 ባዴዔ! ናንጊና ናንጋ ጎዳ ከላ ዑከኔ!  
 ቢያ ባኮ ዳንዳዓ ጎዳሢ ሳይሲንታ ዔኬ ሙካ ከላ ሄሌ።።
- 16 ሃኦኮ ኑ ዓኣፓፓ  
 ዋዛና ዲላሽሢና ኑ ጾኦዛሢኮ ጌኤዦ ማኦሪፓ  
 ጋፒ ባይቄ።።
- 17 ዜርቁንቲ ዜርፃ ቢያ ሳይይዳ ሙርዒ ዓቲ፤፤  
 ሃኦካ ባይቄሢር ሃኦኮ ናቶ ቤዛ ቢያ ጉሪ ማዔ፤፤  
 ኮናኣ ደዔ።።
- 18 ባኣታ ሄንቃንዳ ማኣቲ ባይቄሢር ጾኦላ፤፤  
 ማራታኣ ቢያ ናይዲንቲ ካራ ባይዚ ዓኣ።።
- 19 ናንጊና ናንጋ ጎዳሢዮ! ቦኦሎይዳ ዓኣ ማኣቶ ቢያ ታሚ ሙዔሢር  
 ካዮ ሚጾዋ ታሚ ሚቹሢር  
 ታኣኒ ኔ ባንሢ ዲላታ።።
- 20 ዋራ ሚጨሢር  
 ቦኦሎ ማኣታ ቢያ ሜሊ ባይቄሢር  
 ካዮ ቦዓታዎ ዓቲዋዎ ኔ ባንሢ ዲላታ።።

## 2

- ናንጊና ናንጋ ጎዳ ከሎ ሙኮ ዓቢፃ ዔርዛያ ማዒፃ
- 1 ዓዮኔይዳ ዛዬ ዋርቁዋቲ! ጾኦም ዲማዴ ዲኮይዳኣ  
 ከሰኪ ዲላቱዋቲ!  
 ናንጊና ናንጋ ጎዳ ከላ ሙካኒ ዑከሢር  
 ዓጮሎይዳ ናንጋ ዓሳ ቢያ ጎጋይቆንጎ።
- 2 ዩና ከላ ዲማያና ቃኣያዳ ከሊ፤፤  
 ቫኣራዲያና ቫኒ ዲማ ከሊከ፤፤  
 ዓባ ጾርቃኣና ፖዓ ዲኮ ዑይይዳ ጴዳሢጉዲ  
 ዲቢ፤ ሃሣ ዋልቃዳ ሜሌ ዴሬ ቢያ ቤዛ ሙኪ ባይዛንዳ።።  
 ዩያጉዴ ባኣዚ ሃያኮ ቤርታ ዛጊንቲ ቤቁባኣሴ፤፤

1:15 ዲ.ሲ. 13:6።

ሃካፓ ሴካ ዓይዲያ ጴዳዓኬ።

- 3 ዔያቶኮ ቤርታ ጴዳ ዓኣዔ ባኮ ቢያ ታሚጉዲ ዔያታ ሙዓንዳኔ፤  
 ዔኤታ ታሚጉዲያኣ ሚቻንዳኔ።  
 ሃጊ ዔያታ ሄለባኣ፣ ቤርታ ዓኣ ሳዓ  
 ዔዴኔ ጌይንታ ቤዘጉዴያ ዓኣዔ ባኣዚ ዋርቂ ዓኣያኬ፤  
 ዔያታ ሙይ ጊዴና ዓኣዳ ሳዓ ጋዓንቲ  
 ጋፒ ባይቄያ ዓሲ ናንጉዋ ዳውሌ ማዓኔ፤  
 ዔያቶይዳፓ ቶሊ ዓታንዳ ዓይጎ ባኣዚያ ባኣሴ።
- 4 ዔያቶኮ ማላሢ ፓር ማላኔ፤  
 ዔያታ የሎ ፓራሢጉዲያኣ ሳጋራኔ።
- 5 ዓዳ ሳርጌሎ የይቶጉዴ ዑኡሲ ዋይዚሲ ዋይዚሲ  
 ዲኮ ቶኦኮይዳ ኮኦማኔ፤  
 ሃኣኮኮ ዲኢሪ ሙዓ ታሚጉዲ  
 ቢያ ባኮ ዔያታ ሙዓኔ፤  
 የልዚም ጊኢጊንቲ ዲቢ የልዚ ዓሲጉዲ ቤሲ ቤሲ ዓርቂ  
 ዴዔኔ።
- 6 ዔያቶ ዴንቃ ዴራ ካራ ባይዚ ጎጋይቃኔ፤  
 ዓሶኮ ቢያ ዓኣፖ ካራ ዒጊቹሞና ቦኦራኔ።
- 7 ዔያታ የልዚ ዓሲጉዲ ዔርቲባኣንቲ የልዚ ቡላኔ፤  
 የላ ዓሶጉዲያኣ ኬኤሎ ዲር ዑያ ጊዓንዳኔ፤  
 ቢያሢ ዔያታ ዓርቂ ጎይያ ዲቡዋየ  
 ዓኣዳ ካርማና ጎዓንዳኔ።
- 8 ፔቲይ ባጋሢና ዋሊ ሂዑዋሴ፤  
 ፔቲ ፔቲሢ ፔ ጎይያማ ዓኣዳኔ፤  
 ሞርኮኮ ዋርዲዮ ሻሂ ዓኣዳኔ፤  
 ዔያቶ ቃዛ ባኣዚ ባኣሴ።
- 9 ዔያታ ካታሞ ጌሊ ዓርቃኔ፤  
 ካታሞኮ ዙሎ ዲርቆና ኬኤሎ ዲያ ዑፃ ጳሽካኔ፤  
 ጴሊ ጴሊ ማኣር ዑያዋ ኬሰካኔ፤  
 ዓዳ ዉሲጉዲ ማኣርኮ ፑልቶ ካርና ጋር ጌላኔ።
- 10 ሳያ ዔያታ ጎቃይሳኔ፤  
 ጫሪንጮዋ ዔያታ ዓጊሣኔ፤  
 ዓቦንታ ዓጊኖንታ ዲማኔ፤  
 ዠኦጋሢያ ፖዑዋያ ማዓኔ።

11 ናንጊና ናንጋ ጎዳ ጉጉንሢጉዳ ዑኡዞ ዬያ የሎ ዓሶ ዋይዚሳኔ፤  
 ዬይ የሎ ዓሳ ዋዚ ሚርጋይ!  
 ዓይሢያ ዒዛኮ ኩንሣ ዬይ የሎ ዓሳ ኮሺ ዲቢኬ፤  
 ዬይ ሚርጌ ዒጊቻያ ማዔሢሮ ዬያ ኬሎና የኦኒ ዳንዳዒ  
 ዔቃንዳይ?

**ጎሜ ቡኡያም ኬኤዚንቴ ኪኢታ**

12 ናንጊና ናንጋ ጎዳ ሂዚ ጋዓኔ፡-  
 «ሃሢ ሙኡዚ ሃሺሢና ዬኤፒና ያዩሢና  
 ጉቤ ዒናፓ ታ ባንሢ ማዑዋቴ።»  
 13 ዒንሢያ ያያያ ማዒያ ዔርዛኒ ማኣዓሢ ዒንሢኮ ዳርዚፖቴ፤  
 ጋዓንቴ ዒኖ ዒንሢኮ ሺኢቹ፣ ጎሞ ቡኡጸዋቴ።»  
 ናንጊና ናንጋ ጎዳ ማዔ ዒንሢኮ ያኣዛሢ ኮሺ፣ ማኣራያ፣  
 ሩኡሪና ዳጋዲዋያ  
 ናንጊና ናንጋ ናሹማ ዲቢ፤  
 ፑርታ ባኣዚ ዓጋኒ ሩኡሩዋያ ማዔሢሮ  
 ዒዛ ባንሢ ማዑዋቴ።

14 ጎዖንቴ ናንጊና ናንጋ ጎዳ ማዔ ዒንሢኮ ያኣዛሢ ዳጎ ሃሺ  
 ዓንጅ ዒንሢም ዒንጋንዳያ ናንዳኔ፤  
 ዒንሢያ ዒማና ናንጊና ናንጋ ጎዳ ማዔ ዒንሢኮ ያኣዛሢም  
 ሃኣኮንታ ዑዞ ዒንጊዖንታ ዔኪ ሺኢሻንዳኔ።

15 ጂዮኔ ዲኮይዳ ዛያሢ ዋርቁዋቴ!  
 ዴር ያኦሲም ዲማዴ ቡኪንቲሮ ዔኤሉዋቴ!  
 ሙኡዚ ሃሻንዳጉዲያኣ ዴሮም ኬኤዙዋቴ!

16 ዴር ቢያ ፔቴይዳ ቡኩሲ  
 ያኦሲም ዲማዴ ቡኪንቲም ጊኢጊሹዋቴ፤  
 ጋርቾ ዓሶ ዔኤሉዋቴ፤  
 ዳኮ ናኣቶንታ ዳንዖ ዳንቃ ዓኣሎ ናኣቶዋ ዓይሱዋዖ  
 ቡኩሱዋቴ፤  
 ዑኡታኣ ዓቲዋዖ ዑኡቲዋም ኬኤፃፓ ኬሰኮንጎ።

17 ናንጊና ናንጋ ጎዳም ማዳ ቁኤሳ  
 ያኦሲም ዒንጎ ባኮ ዒንጎ ቤዞና  
 ጌኤዞ ማኣሮይዳ ዓሳ ቡካ ጳኦኮናኮ ባኣካ ዔቁ ዬኤኮንጎ፤  
 ዔያታ፡- «ናንጊና ናንጋ ጎዳሢዮ! ኔኤኮ ዴር ሚጨንቴ፤  
 ሜሌ ዴራ «ዒንሢኮ ያኣዛሢ ዋካ ዓኣይ?» ጌይ  
 ኑና ቶኦቻንዳጉዲና ሚኢጨ ዓማላንዳጉዲ ማሂፖ» ጎዖንጎ።

---

2:11 ዮሃ. ያፔዳ 6:17።

ናንገና ናንጋ ጎዳ ፔ ዴሮ ገንሣ ዶዲሺ ዔቁሳንዳሢ ከኤዘሢ  
18 ናንገና ናንጋ ጎዳ ሳዔላ ዒዛሮ ሌሊ ማዓንዳጉዲ ኮዒ  
ፔ ዴሮም ሚጨገቴኔ፤

19 ዩያሮ ዒዚ ሂዚ ገዔኔ፡-  
«ሃኣኮንታ ዎይኖ ዑዠንታ ሪሚቶ ዛይቶንታ  
ዒንሢ ሚሸካንዳያ ሄላንዳኣና ታ ዒንሢም ዒንጋንዳኔ፤  
ሃካፓ ሴካ ሜሌ ዴራ  
ሚኢጨ ዒንሢ ዓማላንዳጉዲ ታ ሃሻዓኬ።»

20 ዓጮኮ ከዶ ዛላፓ ሙካ ዲቦ ዓቢያ  
ታ ዒንሢ ኮይላፓ ሃከሳንዳኔ፤  
ዓሲ ናንጉዎ ዳውሎ ቦኦሎ ታኣኒ ዳውሲ ዳካንዳኔ፤  
ዩያቶኮ ሶሮፖ ታኣኒ ሶኦጌ ባዚ፤  
ገንፃ ዓቴሢ ሃሃ ታኣኒ ሜዲቴራኒያ ባዘ ዳውሲ ጌልዛንዳኔ፤  
ዒኢካ ዔያቶኮ ሌዛ ዛዓንዳኔ፤  
ጎኔና ታኣኒ፡ ናንገና ናንጋ ጎዳ ዴኤፒ ባኣዚ ዒንሢም ማዴኔ።»

21 «ሳዔሌ ዒጊጨፖ፤  
ናንገና ናንጋ ጎዳ ኔኤም ዴኤፒ ባኣዚ ማዴሢሮ ዎዛዴ!  
ሃሣ ዒላሹ።»

22 ዒንሢ ካዮ ቦዓ ዒጊጨፖቴ፤  
ዒንሢ ሄንቃ ቤዛ ዓኣ ማኣታ ዎርቄኔ፤  
ሚፃኣ ዓኣፔኔ፤  
ቤሌሶንታ ዎይኖ ዓኣፖንታ ኮሺ ሚርጌኔ።»

23 «ዒንሢ ጃዮኔ ዴራ!  
ናንገና ናንጋ ጎዳ ማዔ ዒንሢኮ ጆኦዛሢ ዒንሢም ማዴ ባኮሮ  
ዎዛዴዎቴ፡ ሃሃ ዒላሹዎቴ፤  
ዒዚ ፒዜ ዎጌ ዎጊ  
ዓዳ ቤርታኣ ጎይያ ጆጎጆንታ ባርጎ ዓጊኖንታይዳ  
ጊዳ ዒርዚ ዒንሢም ዎርቄሴኔ።»

24 ዒንሢኮ ሃኣኮ ሸርኮ ቆይዶይዳ ሃኣኮ ኩማንዳኔ፤  
ዎይኖ ዑዠንታ ሪሚቶ ዛይቶንታ  
ዒንሢ ጨኡጳ ዔቶ ኩሚ ሸኦታንዳኔ።»

25 ሚርጌ ዎዴ፡- ዲቢ ያልዚ ዓሲጉዴያ ታ ዒንሢም ዳኬ፡ ዠኢፖ  
ዒርጉዲ ዲኢና ዓቢፃ፡  
ማካሢ፡ ሜልካሢንታ ሻዳ ዓቢፃንታ  
ዒንሢኮ ሙይ ጋፒሴ ሃኣኮ ቤዛ ታ ዒንሢም ዒንጋንዳኔ።»

26 ሚርጌ ሙይ ዒንሢ ሚሸካንዳኔ፤

ሚርጌ ዲቃሢ ሄርሺሳ ባአዚ ዲንሢሞ ማዳ ታና፣ ናንጊና ናንጋ ጎዳ ማዕ ዲንሢኮ ጾአዛሢ ዲንሢ ጋላታንዳኔ፤

- 27 ታ ዴሬዮቲ! ታአኒ ዲንሢ ባአካ ዓአሢ፤  
 ዲንሢኮ ጾአዛሢያ ታና ሌሊ ማዕሢ፤  
 ታ ጊዳፓ ዓታዛ ማሌ ጾአሲ ባአሢያ ዲንሢ ዔራንዳኔ፤  
 ታአኮ ዴራ ሃካፓ ሴካ ቦርሲንታዓኬ።»

**ናንጊና ናንጋ ጎዳ ኬሎ**

- 28 ናንጊና ናንጋ ጎዳ ሂዚ ጋዓኔ፡-  
 «ዓካሪ ታአኮ ዓያኖ ዓሲ ቢያ ዑሰካ ታአኒ ኬይሳንዳኔ፤  
 ዲንሢኮ ዓቲንቆንታ ዉዲሮ ናአቶንታ ታ ማለሢ ኬኤዛንዳኔ፤  
 ጋርቻ ዲንሢኮ ዓውቲ ዓውታዳንዳኔ፤  
 ዴጌሢያ ታአኒ ፔጋሲ ዳዋ ባአዚ ዛጋንዳኔ።»
- 29 ዩያጉዲ ሃሃ ዩንሢ ኬሎይዳ  
 ታአሞ ማዳ ዓቲንቆንታ ላአሎንታይዳ  
 ታአኮ ዓያኖ ታአኒ ኬይሳንዳኔ።»

- 30 «ጩሪንጮና ሳዖናይዳ ዲቃሢ ሄርሺሳ ባአዚ ታአኒ ዳዋንዳኔ፤  
 ሱጉሢንታ ታሚንታ ጩቢያ ሻአሬጉዲ ላሂ ጴዳንዳኔ።»

- 31 ዴኤፖ፣ ዒጊቻ፣ ጎዳ ኬላ ሙካንዳሢኮ ቤርታ  
 ዓባ ዲማንዳኔ፤ ዓጊናኣ ሱጉሢጉዲ ዘቃንዳኔ፤

- 32 ናንጊና ናንጋ ጎዳ ማአዳንዳጉዲ ዔኤላሢ ቢያ ዳቃንዳኔ፤  
 ናንጊና ናንጋ ጎዳ ኬኤዜ ጎይፆ ጂዮኔ ዲኮና

ዩሩሳላሜናይዳፓ ዴኤሻ ጴዳንዳኔ፤  
 ዳቃ ዓሶ ባአኮይዳ ናንጊና ናንጋ ጎዳ ዶኦሬ ዓሳ ዓአያ ማዓንዳኔ።»

### 3

**ናንጊና ናንጋ ጎዳ ማሌ ዴሮይዳ ዋጋንዳያ ማዒያ**

- 1 ናንጊና ናንጋ ጎዳ ሂዚ ጋዓኔ፡-  
 «ዩኖ ዋዶና ዩሩሳላሜና ዩሁዳናፓ ዲዒንቲ ባኮንታ ዓሶንታ  
 ታአኒ ጊንሣ ማሃንዳኔ፤
- 2 ዒማና ማሌ ዴሮ ቢያ ታአኒ ቡኩሲ

---

2:28 ዳኪ. ማዳ 2:17-21። 2:31 ማቲ. 24:29፤ ማር. 13:24-25፤ ሉቃ. 21:25፤  
 ዮሃ. ጾፔሳ 6:12-13። 2:32 ሮሜ 10:13።

ዲዮሳፒዌ ደኦጮ ኬይሳንዳኔ፤  
 ታኣሮ ማዕ ዲሰራዔኤሌ ዳሮ  
 ዔያቶ ባኣካ ዔያታ ዜርቂ ሳዖዋ ገሸቲ ዔኬሢሮ  
 ዲዮሳፒዌ ደኦጮይዳ ፑርታ ዋጌ ዔያቶይዳ ዋጋኒ ዲኢካ  
 ሸኢሻንዳኔ።

3 ዲዒ ዔኬ ታኣኮ ዳሮ ገሸታኒ ዲፃ ዔያታ ዓገኔ፤  
 ዔያታ ዘኦዛ ኮኦማ ላኦሎና ላሃኒ ዓቲንቆ ናኣቶ፤  
 ዋይኖ ዑዡ ዑሸካኒያ ዉዲሮ ናኣቶ ዓይሌ ማሂ ሻንቹኔ።»

4 «ዒንሢ ፃርሴንታ ሲዶናንታ ፒሊሰጻኤሜ ዓጮ ዳራ! ዒንሢ  
 ማዳ ባካ ዓይጎዳይ? ታና ኮማኒ ዒንሢ ማላ? ያዲ ማዕቴ ዒንሢ  
 ማዳ ማዳ ኔጉዋዖ ታኣኒ ዒንሢዳ ሸርሻንዳኔ።

5 ታኣኮ ቢሮ ዓንጎንታ ዋርቆንታ፤ ዩያጉዲ ሃሣ ጴዳዎያ ማዕ፥  
 ታኣኮ ቆሎ ቢያ ዒንሢ ዔኪ ዒንሢኮ ካኣሽኮ ሜሌ ዖኦዘ ማኣሪ  
 ጌልዜኔ።

6 ዪሁዳና ዬሩሳላሜናይዳ ሸይንቲ ዓሶ ዔያቶኮ ዓጫፓ ሃኪሲ  
 ዔኪ ዳንዲ ገሪኬ ዓሶም ዒንሢ ሻንቹኔ።

7 ሃሢ ዓካሪ ታኣኒ ዔያታ ሻንቹንቲ ቤዛፓ ዔያቶ ዔቂሲ፥ ዬኖ  
 ዓጫፓ ዔያታ ኬሰካንዳጉዲ ማሃንዳኔ፤ ዔያቶይዳ ዒንሢ ማዳ  
 ፑርቶ ባኮ ቢያ ዒንሢዳ ታኣኒ ሸርሽ ዔኪ ዬዓንዳኔ።

8 ዒንሢኮ ዓቲንቆንታ ዉዲሮ ናኣቶንታ ዪሁዳ ዳሮም  
 ሻንቹንታንዳኔ፤ ዩካፓ ዪሁዳ ዓጮ ዓሳ ሃኬይዳ ዓኣ ሳኣባ ዓሶም  
 ዔያቶ ሻንቻንዳኔ፤ ዬያ ጌዔሢ ታና፥ ናንገና ናንጋ ጎዳኬ።»

9 «ዬያ ሜሌ ዳሮም ቢያ ዒላቲ ኬኤዙዋቲ፤  
 ዖልዚማኣ ገኢገንቲዋቲ!  
 ዖሎና ዔርቲ ዓሶዋ ዔኤሊ ኬሱዋቲ፤  
 ዖሎ ዖላ ዓሳ ቢያ ቡከንቲ ዖሎሮ ኬሰኮንጎ።

10 ማራሽ ዒንሢኮ ዲይ ጨንቻ ዓራፖ፥ ባኣጮዋ ዲይ ዋርሢ  
 ማሁዋቲ፤  
 ዋልቂ ባኣሢታቲያ ታኣኒ ዶዲኬ! ፔና ጎዖንጎ፤

11 ዒንሢ ቢያ ዛሎና ዓኣ ሜሌ ዳራ ቢያ፤  
 ዑካዲ ኬሰኮዋቲ!  
 ደኦጮይዳ ቡከንቲዋቲ።»

---

3:4 ዒሲ. 14:29-31፤ 23:1-18፤ ዔር. 47:1-7፤ ሂዚ. 25:15—28:26፤ ዓዋ. 1:6-10፤ ሰፖ. 2:4-7፤ ዛካ. 9:1-7፤ ማቲ. 11:21-22፤ ሉቃ. 10:13-14። **3:10**  
 ዒሲ. 2:4፤ ሚኪ. 4:3።



ናንገና ናንገ ጎዳሂሃ! ኔኤኮ ስሎ ዓሶ ዳከ።

12 «ሜሌ ዳራ ቢያ ዔቁ ዒዮሳፒጃ ዶኤጮ ዓኣዶንጎ፤  
ታኣኒ፥ ናንገና ናንገ ጎዳ ቢያ ዛላ ዓኣ ሜሌ ዳርይዳ  
ፑርታ ዋጌ ዋጋኒ ዒኢካ ታኣኒ ዳዓንዳኔ።

13 ዒያቶኮ ፑርቱማ ዑሣ ዓኣዳ ዲቤኔ፤  
ካፃ ሃኣኮ ባኣቺና ጮኦሪንታሂጉዲ ዒያቶ ጮኦሩዋቲ፤  
ዋይና ሶዮና ዋላ ጩኤጶ ቤዘይዳ ኩሚ ሄርቁንታሂጉዲ  
ዒያቶ ሄርቁዋቲ።»

14 ናንገና ናንገ ጎዳ ዋጎ ዋጎ ዶኤጮይዳ ዋጋ ኬላ ሄሌኔ፤  
ዬያሮ ኮሺ ሚርጌ ዳሬ ዒኢካ ቡኪንቲ።

15 ዬኖ ኬሎና ዓሶንታ ዓገናንታ ዲማንዳኔ፤  
ዡኦጋሂያ ፖዑዋያ ማዓንዳኔ።

16 ናንገና ናንገ ጎዳ ጃዮኔ ዲኮይዳ፤ ገንሣ ሃሣ ዬሩሳላሜይዳ ዔቁ  
ፔኤኮ ዒገቻ ዑኡዘ ዋይዚሳንዳኔ፤  
ጫሪንጮንታ ሳጎንታ ዓገፃንዳኔ፤  
ዒዚ ፔ ዳሮ ዒሰራዔኤሌኮ  
ካናዶ ዋርዲዮ ማዓንዳኔ።

**ጎኦሲ ፔ ዳሮ ዓንጃሂ**

17 «ዒሰራዔኤሌ ዓሰዮቲ! ዒማና ታኣኒ፥ ናንገና ናንገ ጎዳሂ  
ዒንሂኮ ጎኦዛሂታሂ ዒንሂ ዔራንዳኔ፤  
ታኣሞ ዲማዳ ጃዮኔ ዲኮይዳ ታኣኒ ናንገንዳኔ፤  
ዬሩሳላሜያ ታኣሞ ዲማዳ ካታማ ማዓንዳኔ፤  
ሃካፓ ሴካ ሜሌ ዓጮ ፖኦሊሳ ስላ ዒዘ ዓርቃዓኬ።»

18 «ዬኖ ዋዶና ዲኮይዳ ቢያ ዋይኔ ባቃሊ ኩማንዳኔ፤  
ጌሚሮ ዑጎይዳኣ ሚርጌ ማኣፃ ባይ ሄንቃንዳኔ፤  
ዪሁዳ ዓጮ ዋራ ቢያ ዋኣሂ ዓኣያ ማዓንዳኔ፤  
ናንገና ናንገ ጎዳኮ ጌኤዡ ማኣርይዳፓ ዋኣሂ ዓልቃንዳኔ፤  
ሺጂሜ ዶኤጮዋ ዬይ ዋኣፃ ዑሻንዳኔ።»

19 «ጊብፃና ዔዶኦሚ ዓጮ ዓሶና ዪሁዳ ዳሮ ዑፃ  
ጌኔ ማዶ ማዳሂር፥ ጂሎ ዳሮዋ ዋዳሂር  
ጊብፃ ዓሲ ናንጉዋ ዓጪ ማዓንዳኔ፤  
ዔዶኦሚያ ዓሲ ናንጉዋ ዳውሌ ማዓንዳኔ።»

20-21 ዬያሮ ሃይማ ሄላንዳኣና ኮሞ ኮፀዋዎ ታኣኒ ሃሺ  
ጌኤዡ ዓሶ ሱጉጎ ዛሎ ኮሞ ታኣኒ ኮፃንዳኔ፤

ጋባንቴ ዩሩሳላሜንታ ዩሁዳንታ ታኣኮ ዴራ ናኣናና ናንጋ ቤሲ  
 ማዕንዳኔ፤  
 ታኣኒ፡ ናንገና ናንጋ ጎዳሢ ደኮኔ ደኮይዳ ናንጋንዳኔ።»

**ጌሌዢ ማጻሕፍት**  
**The Holy Bible in the Maale language of Ethiopia,**  
**using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌሌዢ ማጻሕፍት**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

---

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929